




Broj: 01-50-2-13-56/13
Sarajevo, 17. 7. 2013.



POSLANIKU
U POSLANIČKOM DOMU
PARLAMENTARNE SKUPŠTINE
BOSNE I HERCEGOVINE
- Amiru Fazliću -

Predmet: Odgovor povodom poslaničkog pitanja postavljenog
Kolegiju Predstavničkog doma

Poštovani,

Kolegij Predstavničkog doma Parlamentarne skupštine BiH se na 56. sjednici, održanoj 17.7.2013., upoznao s Vašim poslaničkom pitanjem postavljenim na 49. sjednici Predstavničkog doma, održanoj 8. 7. 2013., koje glasi:

„Koliko je zakona od onih koje je predložilo Vijeće ministara BiH usvojila Parlamentarna skupština BiH u 2013. godini?“

U vezi s tim, želim Vas podsjetiti da je Kolegij Predstavničkog doma na 27. sjednici, održanoj 14. 3.2012., donio Odluku o autentičnom tumačenju člana 156. Poslovnika Predstavničkog doma, u kojem je navedeno da „**Kolegij Doma nema status drugog subjekta propisan članom 156. stav (1) Poslovnika, s obzirom da je riječ o članovima Predstavničkog doma**“.

U prilogu Vam dostavljam Odluku Kolegija, broj: 01-50-2-13-27/12, od 14. 3. 2012., s obrazloženjem.

S poštovanjem,

Prilog: Odluka





22.03.2012

01-02-4-414/R

B

Na osnovu člana 20.h) Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“, br. 33/06, 41/06, 81/06, 91/06, 91/07 i 87/09), Kolegij Predstavničkog doma Parlamentarne skupštine Bosne i Hercegovine, na 27. sjednici održanoj 14. 3. 2012. godine, donio je

ODLUKU
o tumačenju člana 156. Poslovnika Predstavničkog doma Parlamentarne skupštine
Bosne i Hercegovine

Član 1.

Kolegij Doma nema status drugog subjekta propisan članom 156. stav (1) Poslovnika, s obzirom da je riječ o članovima Predstavničkog doma.

Član 2.

Ova odluka stupa na snagu narednog dana od dana donošenja.

Broj: 01-50-2-13-27/12

Datum: 14. 3. 2012.

PREDSJEDAVALAČI
PREDSTAVNIČKOG DOMA
dr. Milorad Živković

kopija: svim poslanicima

OBRAZLOŽENJE

Na sjednicama Predstavničkog doma Parlamentarne skupštine BiH u nekoliko navrata problematizirana je mogućnost postavljanja poslaničkih pitanja Kolegiju Predstavničkog doma, o čemu su davana različita tumačenja. S ciljem otklanjanja nedoumica, Kolegij Doma odlučio je da, u skladu s članom 20. h) Poslovnika Doma, da tumačenje spornih odredbi Poslovnika.

U Poglavlju VIII. Poslovnika Doma - Aktivnosti informiranja, u posebnom ODJELJKU A. Poslanička pitanja, članovima od 151. do 157. regulirano je sljedeće: postavljanje pitanja, podnošenje pitanja, usmeni odgovor, obrazloženje pitanja i odgađanje rasprave o pitanju, odgovor u pisanoj formi i pitanja drugim subjektima. Opća je odredba da: **„Poslanici mogu postavljati pitanja Vijeću ministara BiH ili bilo kojem njegovom članu, samostalnim upravama, zavodima i direkcijama. Pitanja se odnose na specifične činjenice, situacije ili dio informacije iz njihove nadležnosti“** (član 151. Poslovnika). Također, u članu 156. (Pitanja drugim subjektima) stav (1) jasno je propisano da: **„Poslanici mogu postavljati pitanja u vezi sa specifičnim činjenicama ili situacijama i drugim subjektima koji odgovore dostavljaju u pisanoj formi.“**

Pitanje autentičnog tumačenja člana 156. Poslovnika razmatrano je na 25. sjednici Kolegija Predstavničkog doma, održanoj 1.2.2012. Kolegij je zaključio da se do naredne sjednice pribave podaci o načinu reguliranja ovog pitanja u parlamentima susjednih zemalja – Srbije, Hrvatske i Slovenije. Istraživački sektor Zajedničke službe Sekretarijata Parlamentarne skupštine BiH zadužen je da pribavi podatke o tome da li i na koji način poslovnici o radu parlamenata ovih zemalja tretiraju mogućnost postavljanja poslaničkih pitanja kolegiju i predsjedavajućem doma, odnosno parlamenta. Također je zaključeno da će ovi podaci biti uzeti u obzir prilikom odlučivanja o autentičnom tumačenju člana 156. Poslovnika.

Istraživački sektor Zajedničke službe Sekretarijata Parlamentarne skupštine BiH je, 13.2.2012., dostavio tražene podatke iz kojih je vidljivo da poslovnici navedenih zemalja ne sadrže odredbe koje bi tretirale postavljanje poslaničkih pitanja predsjedniku parlamenta ili postavljanje „poslaničkih pitanja drugim subjektima“, u smislu člana 156. Poslovnika Predstavničkog doma.

Kolegij Predstavničkog doma je na 27. sjednici, održanoj 14. marta 2012., ponovo razmatrao pitanje autentičnog tumačenja člana 156. Poslovnika, pri čemu su uzeti u obzir i navedeni podaci, te je zauzeo konačan stav o ovom pitanju kako je i navedeno u Odluci.



Broj: 07-2-02-4-987-2/13
Sarajevo, 20.08.2013. godine
J.H.

PARLAMENTARNA SKUPŠTINA BOSNE I HERCEGOVINE
-PREDSTAVNIČKI DOM-
n/r predsjedavajućeg
Trg Bosne i Hercegovine 1
71 000 Sarajevo

BOSNA I HERCEGOVINA PARLAMENTARNA SKUPŠTINA BOSNE I HERCEGOVINE SARAJEVO			
PRIMLJENO:	20-08-2013		
broj:	01-	50-1-	15-49/13

PREDMET: Dostava odgovora na poslaničko pitanje
VEZA: Vaš akt broj: 01/a-50-1-15-49/13 od 11.07.2013. godine

U vezi vašeg akta, gornji broj i datum, kojim ste Centralnoj izbornoj komisiji Bosne i Hercegovine dostavili poslaničko pitanje gospodina Amira Fazlića, poslanika u Predstavničkom domu Parlamentarne skupštine Bosne i Hercegovine: *"Koji je status sekretara izborne komisije-da li je državni službenik ili je izabran na mandatni period (ima informacije da se pravilnik o sistematizaciji mijenja u smislu da bude državni službenik)*, dostavljamo vam odgovor:

U skladu sa članom 2.11 stav (3) Izbornog zakona Bosne i Hercegovine ("Službeni glasnik BiH", br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10 i 18/13), a u vezi sa članom 52. Zakona o upravi ("Službeni glasnik BiH", br. 32/02 i 102/09), Centralna izborna komisija BiH, na prijedlog generalnog sekretara, donosi Pravilnik o unutrašnjoj organizaciji Sekretarijata Centralne izborne komisije BiH uz prethodnu saglasnost Vijeću ministara Bosne i Hercegovine.

U skladu sa članom 46. Odluke o načelima za utvrđivanje unutrašnje organizacije organa uprave Bosne i Hercegovine ("Službeni glasnik BiH", broj 30/13) i članom 47. Odluke o razvrstavanju radnih mjesta i kriterijima za opis poslova radnih mjesta u institucijama Bosne i Hercegovine ("Službeni glasnik BiH", broj 30/13), Centralna izborna komisija BiH je pristupila usklađivanju postojećeg Pravilnika o unutrašnjoj organizaciji Sekretarijata Centralne izborne komisije BiH sa odredbama navedenih odluka.

Shodno naprijed navedenom, sva radna mjesta u Sekretarijatu Centralne izborne komisije BiH su utvrđena i razvrstana prema odredbama navedenih odluka, pa tako i za radno mjesto rukovodioca Sekretarijata Centralne izborne komisije BiH, za koje je ocjenjeno da kao rukovodeće radno mjesto se razvrsta u rukovodećeg državnog službenika-sekretara a u cilju osiguranja racionalne i funkcionalne organizacije rada, prema njihovoj prirodi i načinu obavljanja, vrsti, obimu, stepenu složenosti s ciljem ostvarivanja pune zaposlenosti i odgovornosti, te korištenja stručnih znanja i radnih sposobnosti zaposlenih, kako bi se osiguralo efikasno zadovoljenje potreba građana i drugih stranaka.

S poštovanjem,

Dostavljeno:

- Naslovu
- a/a


Predsjednik
Stjepan Mikić



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1-2149/13
Sarajevo, 10.9.2013. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 12.09.2013			
Organizaciona jedinica	Klasifikaciona oznaka	Redni broj	Broj prijave
01-50	-1-15	-49	13

PARLAMENTARNA SKUPŠTINA BIH

- Zastupnički dom -

SARAJEVO

PREDMET: Odgovor na zastupničko pitanje – dostavlja se

Vijeće ministara Bosne i Hercegovine, na 61. sjednici održanoj 29.8.2013. godine, utvrdilo je Odgovor na zastupničko pitanje koje je postavio Amir Fazlić, zastupnik u Zastupničkom domu Parlamentarne skupštine Bosne i Hercegovine.

U pravitku prosljeđujemo Odgovor radi njegovog dostavljanja zastupniku.

S poštovanjem,


GENERALNI TAJNIK
Zvonimir Kutleša



**BOSNA I HERCEGOVINA
VIJEĆE MINISTARA**

Broj: 05-50-1-2149/13
Sarajevo, 29.8.2013. godine

Amir Fazlić, poslanik u Predstavničkom domu Parlamentarne skupštine Bosne i Hercegovine, na 49. sjednici Predstavničkog doma održanoj 8.7.2013. godine, postavio je sljedeće poslaničko pitanje:

„Koliko je Vijeće ministara u 2012. godini utvrdilo prijedloga zakoa i koliko je to u poređenju sa 2008, 2009, 2010. i 2011. godinom (dostaviti podatke)?“

Na postavljeno pitanje, Vijeće ministara Bosne i Hercegovine je na 61. sjednici održanoj 29.8.2013. godine, utvrdilo sljedeći

ODGOVOR

Prema evidenciji Generalnog sekretarijata Vijeća ministara Bosne i Hercegovine, u periodu na koje se odnosi poslaničko pitanje, Vijeće ministara Bosne i Hercegovine je utvrdilo sljedeći broj prijedloga zakona:

- u **2008.** godini - **63** prijedloga zakona.
- u **2009.** godini - **67** prijedloga zakona.
- u **2010.** godini - **30** prijedloga zakona.
- u **2011.** godini - **24** prijedloga zakona.
- u **2012.** godini - **32** prijedloga zakona.



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1-1407/13
Sarajevo, 28.11.2013. godine

01/2-50-1
17

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 29.11.2013			
Organizaciona jedinica	Klasifikaciona oznaka	Redni broj	Broj prijema
01-50-1-15		15	49/13

PARLAMENTARNA SKUPŠTINA BIH

- Zastupnički dom -

SARAJEVO

PREDMET: Odgovor na zastupnička pitanja – dostavlja se

Vijeće ministara Bosne i Hercegovine, na 72. sjednici održanoj 28.11.2013. godine, utvrdilo je Odgovor na zastupnička pitanja koja je postavio Amir Fazlić, zastupnik u Zastupničkom domu Parlamentarne skupštine Bosne i Hercegovine.

U privitku prosljeđujemo odgovore radi njihovih dostavljanja zastupniku.

S poštovanjem,

GENERALNI TAJNIK
Zvonimir Kutleša





**BOSNA I HERCEGOVINA
VIJEĆE MINISTARA**

Broj: 05-50-1-1407/13
Sarajevo, 28.11.2013. godine

Amir Fazlić, poslanik u Predstavničkom domu Parlamentarne skupštine Bosne i Hercegovine, na 47. sjednici održanoj 18.4.2013. godine, postavio je sljedeća poslanička pitanja:

„Ministarstvo vanjskih poslova BiH je formiralo Komisiju koja radi na Nacrtu zakona o obavljanju vanjskih poslova. Rok za izradu je tri mjeseca, a potom će Nacrt zakona biti upućen Predsjedništvu BiH.

Pitanje je:

1. Kada je formirana Komisija, te od kada teče zadati rok?
2. Ko su članovi Komisije za izradu Nacrta zakona?
3. Kada možemo očekivati da predmetni Nacrt zakona dođe u parlamentarnu proceduru?“

Na postavljeno pitanje, Vijeće ministara Bosne i Hercegovine je na 72. sjednici održanoj 28.11.2013. godine, utvrdilo sljedeći

ODGOVOR

1. Komisija za izradu Nacrta zakona o vanjskim poslovima je formirana 07.02.2013. godine. Zadati rok za izradu je bio 3 mjeseca od formiranja, što je Komisija ispoštovala.
2. Članovi Komisije za izradu Nacrta zakona o vanjskim poslovima su: Amer Kapetanović (pomoćnik ministra za bilateralne odnose u MVP i koordinator Komisije), Zoran Perković (pomoćnik ministra za međunarodnopravne i konzularne poslove), Mitar Kujundžić (pomoćnik ministra za multilateralne odnose u MVP), Selma Užičanin (pomoćnik ministra za opšte poslove u MVP), Amir Ćorbo (glavni inspektor u Uredu za reviziju u MVP), Željko Jerkić (rukovodilac Odjela za mir i sigurnost u MVP), Elma Bačvić (šef Odsjeka za Zapadnu Evropu u MVP), Nenad Škipina (ministar-savjetnik u MVP), Alma Kamenica (stručni saradnik u Odsjeku za komunikacije i informatiku u MVP) i Ivana Bago Milutinović (III sekretar u Odsjeku za Aziju i Afriku u MVP-sekretar Komisije).
3. Nakon što je Komisija u maju 2013. godine usaglasila Nacrt zakona o vanjskim poslovima, isti je upućen u Predsjedništvo BiH 06.06.2013. sa zahtjevom da Predsjedništvo dostavi mišljenje o Nacrtu. Dana 10.09.2013. godine Ministarstvo vanjskih poslova BiH je primilo odgovor od Kabineta predsjedavajućeg Željka Komšića (ostali Kabineti se još nisu očitovali). Nacrt zakona će se u parlamentarnoj proceduri naći kada se Ministarstvo vanjskih poslova BiH prikupi mišljenja drugih institucija, što očekujemo da će biti tokom januara 2014. godine.



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1-2151/13
Sarajevo, 28.11.2013. godine

01/2-50-1

dy

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 25.11.2013

Organizaciona jedinica	Klasifikaciona oznaka	Redni broj	Broj stranica
01-50-1	15	49	13

PARLAMENTARNA SKUPŠTINA BiH

- Zastupnički dom -

SARAJEVO

PREDMET: Odgovor na zastupnička pitanja – dostavlja se

Vijeće ministara Bosne i Hercegovine, na 72. sjednici održanoj 28.11.2013. godine, utvrdilo je Odgovor na zastupnička pitanja koja je postavio Asim Fazlić, zastupnik u Zastupničkom domu Parlamentarne skupštine Bosne i Hercegovine.

U privitku prosljeđujemo Odgovor radi njegovog dostavljanja zastupniku.

S poštovanjem,

GENERALNI TAJNIK
Zvonimir Kutleša





**BOSNA I HERCEGOVINA
VIJEĆE MINISTARA**

Broj: 05-50-1-2151/13
Sarajevo, 28.11.2013. godine

Amir Fazlić, poslanik u Predstavničkom domu Parlamentarne skupštine Bosne i Hercegovine, na 49. sjednici Predstavničkog doma održanoj 08. jula 2013. godine, postavio je sljedeće poslaničko pitanje:

- a) *Ko su članovi komisije za NATO?*
- b) *Šta su konkretno do sada uradili? (s obzirom da su promijenili ime iz Koordinacionog tima u NATO komisiju i da su kadrovski ojačali)*

Na postavljeno pitanje, Vijeće ministara Bosne i Hercegovine je na 72. sjednici održanoj 28. 11. 2013. godine, utvrdilo sljedeći

ODGOVOR

Ko su članovi komisije za NATO?

NATO Koordinacijski tim VM BiH (NKT) uspostavljen je u septembru 2007. godine sa zadatkom koordinacije i monitoringa aktivnosti ministarstava i institucija Bosne i Hercegovine (BiH), vezano za realizaciju obaveza BiH iz NATO programa „Partnerstvo za mir“ (PfP) i stvaranje neophodnih preduslova za punopravno članstvo BiH u NATO-u.

NKT je, u funkcionalnom smislu, nastavio poslove Državne međuresorne komisije za NATO i PfP, koji je do formiranja NKT obavljala koordinaciju aktivnosti ministarstava i institucija BiH u vezi prijema u PfP. U međuvremenu, zbog kompleksnosti PfP obaveza BiH, definirane vremenske dinamike za realizaciju tih obaveza, kao i potrebe promptnog reagovanja u vezi s time, djelokrug rada NKT je znatno proširen u odnosu na prvobitnu ulogu, tako da je NKT preuzeo i poslove direktnog angažiranja institucija BiH u vezi realizacije obaveza BiH koje prozilaze iz PfP, a ne samo koordinacije i monitoringa njihovog rada.

Shodno tome, u periodu juni-juli 2012. godine provedena je funkcionalna i personalna rekonstrukcija NKT-a, koji je preustrojen u *Komisiju za NATO integracijski proces BiH* (Komisija), sa novim mandatom:

- utvrđuje prioritete u realizaciji obaveza Bosne i Hercegovine koje proizlaze iz učešća BiH u NATO programu „Partnerstvo za mir“, kao i u vezi sa prijemom u punopravno članstvo NATO saveza;
- organizira i rukovodi izradom dokumenata saradnje Bosne i Hercegovine i NATO-a u okviru NATO integracijskog procesa Bosne i Hercegovine;
- rukovodi i prati realizaciju aktivnosti iz mehanizama saradnje sa NATO-om, vrši stručno-konsultativne poslove i funkcionalnu koordinaciju aktivnosti institucija Bosne i Hercegovine u NATO integracijskom procesu i dr), posebno imajući u vidu naredne korake u tom procesu (aktiviranje članstva MAP-u, po ispunjavanju postavljenih preduslova i dr);
- ostvaruje redovne kontakte sa domaćim i stranim organizacijama i institucijama po osnovu NATO integracijskog procesa BiH;
- realizira i sve druge obaveze koje proističu iz PfP-a za BiH.

Komisiju čine predstavnici svih državnih ministarstava i drugih institucija, prema sljedećem:

- 1) Ana Trišić-Babić, Ministarstvo vanjskih poslova BiH, predsjednica tima
- 2) Marina Pendeš, Ministarstvo odbrane BiH, zamjenica predsjednice tima
- 3) Mladen Čavar, Ministarstvo sigurnosti BiH, član
- 4) Mitar Kujundžić, Ministarstvo vanjskih poslova BiH, član
- 5) Zoran Šajinović, Ministarstvo odbrane BiH, član
- 6) Snježana Vukadin, Ministarstvo finansija i trezora BiH, član
- 7) Zoran Andrić, Ministarstvo komunikacija i transporta BiH, član
- 8) Zoran Dakić, Ministarstvo za izbjeglice i ljudska prava BiH, član
- 9) Milan Rezo, BH MAC-a ispred Ministarstva civilnih poslova BiH, član
- 10) Darija Ramljak, Direkcija za evropske integracije Vijeća ministara BiH, član
- 11) Alida Sofić, Direkcija za ekonomsko planiranje Vijeća ministara BiH, član
- 12) Emir Mehmedović, Ministarstvo pravde BiH, član
- 13) Milomir Hršum, Ministarstvo vanjske trgovine i ekonomskih odnosa BiH, član
- 14) Božo Zovko, Uprava za indirektno oporezivanje BiH, član
- 15) Miloš Šavija, Obavještajno-sigurnosna agencija BiH, član
- 16) Željko Jerkić, Ministarstvo vanjskih poslova BiH, član
- 17) Momir Brajić, Ministarstvo vanjskih poslova BiH, član
- 18) Osman Topčagić, Ministarstvo vanjskih poslova BiH, član
- 19) Danijela Babić, Ministarstvo vanjskih poslova BiH, član
- 20) Igor Pilić, Ministarstvo vanjskih poslova BiH, član
- 21) Dragoš Milanković, Ministarstvo odbrane BiH, član
- 22) Mirsad Čaluk, Ministarstvo odbrane BiH, sekretar

Komisija metodološki radi putem sjednica Komisije, na kojima se razmatraju sva relevantna pitanja u vezi sa NATO programom „Partnerstvo za mir“ (PfP), odnosno obaveza koje proizilaze iz ovog programa, kao i stvaranja preduslova za pristupanje NATO-u. Komisija se sastaje najmanje jednom tokom dva mjeseca (ranije mjesečno), a ovisno o obavezama koje proizilaze iz saradnje sa NATO-om i više puta, po potrebi. O razmatranim pitanjima Komisija donosi zaključke, preporuke, prijedloge, mišljenja i druga dokumenta. Takođe, određena akta, koje je neophodno usvojiti na nivou Vijeća ministara BiH, odnosno Predsjedništva BiH, dostavljaju se navedenim institucijama na usvajanje, u skladu sa postojećom zakonskom procedurom. O svom radu Komisija redovno

izvještava Vijeće ministara BiH, te ostale relevantne institucije BiH po potrebi, čime je osiguran kontinuitet međusobne razmjene informacija o svim pitanjima NATO integracijskog procesa BiH. Takođe, ostvarena je i kvalitetna komunikacija i saradnja sa Zajedničkom komisijom za odbranu i sigurnost BiH, Zajedničkom komisijom za nadzor nad radom OSA/OBA i NATO Štabom u Sarajevu, čiji predstavnici ravnopravno učestvuju u radu Komisije, po svim pitanjima (bez prava odlučivanja). Ovisno o razmatranoj tematici, u rad Komisije se uključuju i predstavnici pojedinih ministarstava i institucija BiH, u ekspertnom smislu. U svrhu popularizacije i približavanja poslova koji su vezani za NATO integracijski proces BiH, jedan dio sastanaka Komisija je održala van Sarajeva (Mostar, Banja Luka, Bijeljina), što je imalo pozitivne efekte u javnosti.

Šta su konkretno do sada uradili? (s obzirom da su promijenili ime iz Koordinacionog tima u NATO komisiju i da su kadrovski ojačali)

Polazeći od potrebe očuvanja trajnog mira, sigurnosti i stabilnog demokratskog i sveukupnog državnog razvoja, kao i uključivanja Bosne i Hercegovine (BiH) u savremene evropske, političke, ekonomske i sigurnosne integracione tokove, BiH je pristupanje evroatlanskim integracionim procesima, odnosno NATO-u, utvrdila kao jedan od prioriteta vanjske politike.

Opredjeljenost BiH NATO integracijskom procesu, kao i namjera BiH da provede neophodne reformske procese u tom pravcu, iskazana je u izjavi Predsjedništva BiH iz 2001. godine u kojoj se, između ostalog, kaže da je „BiH spremna da prihvati obaveze i prava koja se primjenjuju u porodici evroatlantskih zemalja, te da učestvuje i aktivno doprinosi kolektivnoj sigurnosti ... Spremni smo, da uz pomoć NATO, provedemo reformske procese u odbrambenom sektoru i resstruktuiramo Oružane snage BiH, kako bi postali članom navedenih integracija“. Takođe, u dokumentima „Odbrambena politika BiH“, „Sigurnosna politika BiH“, te Zakonu o odbrani BiH, regulirano je da će institucije BiH preduzimati sve aktivnosti i mjere iz njihove nadležnosti u cilju pristupanja BiH NATO-u.

Upravo je ova aspiracija za članstvo u NATO-u rezultirala uviđanjem neophodnosti provođenja sistemskih reformi i formiranjem Komisije za reformu odbrane 2003.godine, što je ishodilo uspostavljanjem jedinstvenih državnih institucija odbrane (Ministarstvo odbrane i Oružane snage BiH) i jedinstvenog lanca komandovanja i parlamentarnog nadzora nad oružanim snagama. Suština ovog perioda reforme odbrane ogledala se u uspostavi kapaciteta odbrane u organizacijskom smislu, dok je u narednoj fazi (2004. i dalje) akcenat bio i još uvijek je na izgradnji funkcionalnosti i efikasnosti tih kapaciteta, u skladu sa proklamovanim ciljevima vanjske politike BiH u pogledu pristupanja evroatlanskim integracijama, te proširenjem reformskih procesa i na ostale segmente društva (politika, ekonomija, pravni sistem itd).

Cijeneći napore koje je BiH učinila u okviru NATO integracija NATO je, na samitu u Rigi u novembru 2006. godine, **pozvao BiH da pristupi NATO programu „Partnerstvo za mir“ (PfP)** koji je dizajniran za zemlje aspirante za članstvo u NATO, u cilju institucionalne i organizacione pripreme zemlje i postizanja potrebnih standarda za pomenuto članstvo. Nakon poziva, BiH je potpisala *Okvirni sporazum BiH – NATO* u oblasti NATO integracija i saradnje sa NATO-om, u *decembru 2006. godine*, čime je BiH zvanično postala članica PfP-a, što je predstavljalo novi izazov i priliku za daljnje napredovanje u NATO integracijskom procesu i provođenju daljnjih reformi u oblasti odbrane. Time je osiguran kontinuitet reformskog procesa kao nužan preduslov u procesu transformacije odbrambenog sistema ali i društva u cjelini u NATO kompatibilnu strukturu.

Slijedeći dinamiku i definirane korake u NATO integracijskom procesu **BiH je pripremila Prezentacijski dokument BiH** dostavljen NATO-u *januaru 2007. godine*, kojim su definirani principi, ciljevi i područja saradnje koje BiH želi razvijati sa NATO-om (između ostalog: Komandovanje, konsultacije i kontrola, Odbrambeno planiranje i budžetiranje, Demokratska kontrola oružanih snaga i odbrambenih struktura, Konceptija, planiranje i operacionalni aspekti operacija podrške miru i dr.). Takođe, BiH preuzela obavezu razvijanja različitih mehanizama saradnje sa NATO-om, baziranih na dvogodišnjem vremenskom ciklusu, kao što su *Proces planiranja i revizije, Individualni partnerski program, Individualni partnerski akcioni plan, Akcijski plan za članstvo*.

Suština pomenutih mehanizama saradnje je da se, kroz njihovu implementaciju, odnosno implementaciju aktivnosti i ciljeva koji su definirani u pojedinim programima saradnje, zemlja aspirant postepeno priprema za punopravno članstvo u NATO-u, u pogledu kapaciteta i njihove funkcionalnosti u skladu sa postojećim NATO standardima. U ranim fazama saradnje akcent je na odbrambenom sektoru, da bi se kasnije, sa usložnjavanjem oblika saradnje sa NATO-om, proširio na sve segmente zemlje (politički i sigurnosni sistem, ekonomija, pravni sistem i dr).

Kao naredni korak u NATO integracijama BiH je, po prijemu u PFP, razvila saradnju sa NATO-om na nivou Proces planiranja i revizije (PARP). PARP je mehanizam koji omogućava identifikaciju snaga i sposobnosti partnerske zemlje koji mogu biti na raspolaganju NATO-u u pogledu vježbi i NATO vođenih operacija, te planiranje razvoja ovih sposobnosti i kapaciteta. Koristi se i kao jedan od glavnih mehanizama za vođenje i procjenu odbrambenog i vojnog napretka u reformama. Osim toga, učestvovanje partnerske zemlje u PARP-u je i preduslov za pristupanje MAP-u. U okviru PARP-a, partnerska zemlja treba prvo da pripremi tzv. *PARP Pregled (odgovore na PARP Upitnik)*, u kojem definira snage i kapacitete koji će biti na raspolaganju NATO-u, daje prikaz odbrambenih planova, strukture oružanih snaga, podatke o budžetu i dr. Na osnovu ovih informacija NATO razvija prijedlog *Partnerskih ciljeva (PG)*, koje nakon usaglašavanja i međusobnih konsultacija, partnerska zemlja prihvata i deklarira kao ciljeve saradnje u okviru PARP-a. NATO kontinuirano prati i analizira napredak koji ostvaruje partnerska zemlja u implementaciji PG-a, tokom dvogodišnjeg ciklusa, putem *PARP Procjene (PARP Assessment)*, čime se daju smjernice za daljnji razvoj u okviru ovog mehanizma saradnje.

BiH učestvuje u PARP procesu od *2007. godine* i trenutno se nalazi u *četvrtom ciklusu* (prvi ciklus uspješno je okončan u 2009. godini). Četvrti ciklus PARP-a počeo je u junu 2012. godine, kada je dostavljen PARP Upitnik 2012 od strane NATO Štaba Brisel. Ministarstvo odbrane, kao nosilac PARP aktivnosti, a u saradnji sa Ministarstvom vanjskih poslova i Ministarstvom sigurnosti, pripremio je odgovore na predmetni upitnik, koji su u potpunosti obrađeni i konsolidovani do kraja augusta tekuće godine. Nacrt odgovora na PARP Upitnik 2012 dostavljen je Komisiji za NATO integracijski proces BiH koja je na svojoj 1. redovnoj sjednici, održanoj u septembru 2012. godine, usvojila zaključak kojim se daje saglasnost na upućivanje predmetnih odgovora nadležnim autoritetima NATO Štaba u Briselu, u svrhu daljnjeg razmatranja i usaglašavanja. Odgovori na PARP Upitnik su dostavljeni NATO Štabu u Briselu u septembru 2012. godine, na osnovu kojeg je pripremljena PARP Procjena 2013 i ista je usvojena na nivou NAC-a.

Takođe, u okviru PARP-a BiH je prihvatila i setove *Partnerskih ciljeva saradnje BiH-NATO (PG)*, koji predstavljaju ciljeve saradnje sa NATO-om usmjerene na izgradnju kompatibilnih odbrambenih i drugih kapaciteta BiH, prema sljedećem: Prvi set (2008. godina) – 31 cilj, Drugi set (2010. godina) – 37 ciljeva i Treći set (2012. godina) – 39 ciljeva, sada proširen na 40 ciljeva. Do sada BiH je uspješno okončala implementaciju 5 ciljeva, s tim da se može iskazati ocjena da je ukupna dosadašnja implementacija PG-a, u osnovi, imala pozitivan trend, posebno u domenu implementacije PG koji su u nadležnosti ZŠ OS BiH.

Istovremeno sa početkom učešća u PARP-u, **BiH je 2007. godine razvila saradnju sa NATO-om na nivou Individualnog partnerskog programa (od 2013. godine Individualni partnerski program saradnje-IPCP)**, koji predstavlja operativno prevođenje ciljeva navedenih u *Prezentacijskom dokumentu BiH* i PG-a dogovorenih s NATO-om tokom PARP procjene. Na osnovu *Evroatlanskog partnerskog radnog programa (sada Partnerski meni saradnje-PCM)*, sve zemlje članice PFP-a izrađuju IPCP. IPCP obuhvata period od dvije godine, ali se vrši njegovo revidiranje i ažuriranje svake godine, odnosno izrađuje se za svaku kalendarsku godinu. PCM sadrži ponudu događaja i aktivnosti NATO-a za narednu godinu u kojima je dozvoljeno učešće zemalja članica PFP-a.

BiH je, do sada, realizirala šest ciklusa IPCP-a, u toku je sedmi, dok je uspješnost realizacije bila:

<i>Aktivnosti</i>	39	111	131	127	-	-
<i>Događaji</i>	45/22	175/106	183/118	180/127	194/152	188
<i>Procenat realizacije</i>	50 %	60 %	64 %	70 %	78 %	82 %

Saradnja BiH i NATO-a na nivou Individualnog partnerskog akcionog plana (IPAP) je jedan od najznačajnijih mehanizama partnerskih odnosa, posebno u oblastima produbljenja međusobne saradnje i provođenja reformskih procesa neophodnih za stvaranje preduslova za prijem u NATO, a obuhvaća: 1) Politička i sigurnosna pitanja, 2) Odbrambena i vojna pitanja, 3) Pitanja vezana za informiranja šire javnosti, nauku, zaštitu životne okoline, te planiranja odgovora na vanredne situacije, 4) Administrativna pitanja, pitanja sigurnosne zaštite i resursa. BiH je pristupila IPAP-u u 2007. godini, s tim da je praktično korištenje ovog mehanizma saradnje sa NATO-om otpočelo početkom 2008. godine (*prvi ciklus*).

Odmah po okončanju implementacije prvog ciklusa IPAP-a (zaključno sa 2009. godinom), nadležna ministarstva i institucije BiH, pod vođstvom *NATO Koordinacijskog tima Vijeća ministara BiH*, kao nadležnog nacionalnog tijela za pitanja NATO integracijskog procesa BiH, izradili su prijedlog dokumenta IPAP-a koji definira tekući ciklus saradnje sa NATO-om, za period 2011-2013. godina, koji je usvojen od strane *Sjevernoatlantskog vijeća (NAC)* u februaru 2011. godine.

U junu 2011. godine uspješno su provedene konsultacije sa ekspertnim timom NATO štaba Brisel u vezi sa dokumentom *Samoprocjene implementacije IPAP BiH za 2010/prvi kvartal 2011. godine (Samoprocjena)*, kojim je procijenjena uspješnost implementacije IPAP-a. Dokument Samoprocjene je u septembru 2011. godine usvojen od strane NATO PPC-a. Generalno je ocjenjeno da je realizacija planiranih aktivnosti bila uspješna, te da su planirani ciljevi najvećim dijelom ostvareni, posebno imajući u vidu složenu situaciju koja je preovladavala tokom godine u pogledu privremenog finansiranja institucija BiH.

Krajem 2011. godine pokrenuta je izrada analize *implementacije IPAP BiH za preostali dio 2011. godine (Samoprocjena)*, odnosno period april 2011-mart 2012. godina, koja je dostavljena NATO Štabu Brisel u februaru 2012. godine. Ista je, nakon što u 2012. godini nije aktivirano članstvo BiH u MAP-u, razmatrana na zajedničkom sastanku nadležnih autoriteta i Komisije za NATO integracijski proces u septembru iste godine, u svrhu ažuriranja informacija iz dokumenta Samoprocjene za preostali period 2012, nakon čega je odobrena na nivou NATO-a. U toku je izrada dokumenta *Samoprocjene IPAP-a za period april 2012-septembar 2013. godina*.

Cijeneci pozitivan trend u realizaciji obaveza BiH koje proizilaze iz NATO programa „Partnerstvo za mir“ (PfP), kao i postignute rezultate u procesu stvaranja neophodnih pretpostavki za pristupanje NATO-u, zemlje članice NATO-a su na Samitu NATO-a, održanog u Bukureštu, aprila 2008.g., pozvale BiH na proširenje saradnje na nivou *Intenziviranog dijaloga (ID)*. ID suštinski predstavlja fazu odnosa između zemlje aspiranta za članstvo u NATO-u i NATO-a, koja je fokusirana primarno na očekivanja NATO-a od zemlje aspiranta u oblastima spoljne i unutrašnje politike, pri čemu se provode međusobne intenzivne konsultacije i pregovori o *političkim, vojnim, pravnim, ekonomskim i sigurnosnim pitanjima*, vezanim za eventualno članstvo u NATO-u zemlje aspiranta. Svrha pomenutih konsultacija je da se sva predmetna pitanja u potpunosti pojasne, prepoznaju nedostaci i definišu potrebne akcije, kako bi zemlja aspirant postala kredibilan kandidat za članstvo u NATO-u. U hronološkom pogledu, ID prethodi fazi međusobne saradnje na nivou MAP-a, koja, potom, eventualno vodi do punopravnog članstva zemlje aspiranta u NATO-u. Konsultacije se provode na osnovu *Inicijalnog dokumenta za diskusiju u oblasti ID (IDP)*, koji predstavlja prezentaciju ciljeva koje partnerska zemlja planira realizirati u svrhu daljnje produbljivanja međusobne saradnje i provođenja unutrašnjih reformskih procesa. Na osnovu prihvaćene verzije IDP-a, u septembru 2008.g. u Briselu je održan prvi sastanak predstavnika BiH i NATO eksperta za ID, čime su zvanično otpočele konsultacije u oblasti u oblasti ID-a, a ujedno je i definiran načelan Plan konsultacija po pojedinim poglavljima ID-a. BiH je, zaključno sa junom 2009. godine, uspješno okončala pomenute konsultacije i time učinila još jedan značajan korak ka članstvu u NATO-u.

Nastavljajući napredak u oblasti NATO integracija **BiH je u u oktobru 2009. godine aplicirala za Akcijski plan za članstvo u NATO (MAP)**. Nekoliko informacija o MAP-u:

Radi se o sveobuhvatnom programu saradnje sa NATO-om koji se odvija kroz jednogodišnje cikluse, za razliku od IPAP-a koji obuhvata dvogodišnji period planiranja i implementacije, odnosno vremenska dinamika planiranja i implementacije aktivnosti u MAP-u odnosi se na kraći period čime je osigurano detaljnije definiranje pojedinih ciljeva saradnje. MAP obuhvata, praktično, sve segmente reformskih procesa države (politika, sigurnosni aspekti, ekonomija, pravna legislativa i dr.) za razliku od prethodnih mehanizama (IPCP, IPAP, PARP i dr.) koji se većim dijelom odnose na odbrambenu dimenziju. Analogno tome, obaveze koje proizilaze iz članstva u MAP-u su, sada, u nadležnosti svih ministarstava i institucija BiH, a ne samo pojedinih kao što je to bio slučaj na pr. u PARP procesu gdje je primarna uloga MO i OS BiH. Pretpostavka je da će u pojedinim fazama implementacije MAP-a biti neophodno i involviranje entitetskih vlada ili institucija, na pr. u oblasti pravne legislativa i sl. Prema tome, članstvo i implementacija obaveza iz MAP-a podrazumijeva mobiliziranje cjelokupnog državnog aparata, te pojačanu međuresornu saradnju.

Članstvo u MAP-u predstavlja, uslovno rečeno, zadnju stepenicu ka punopravnom članstvu u NATO-u, a što je jedan od strateških ciljeva vanjske politike BiH, ali ponovno je potrebno naglasiti da članstvo u MAP-u *nije bezuslovna garancija* za to članstvo.

MAP obuhvata i tretira sljedeće oblasti:

Oblast političkih i ekonomskih pitanja - zemlja treba demonstrirati spremnost i sposobnost preuzimanja obaveza prema Vašingtonskom sporazumu i odgovarajućim odredbama Studije o proširenju NATO-a, slijediti osnovne principe ugrađene u Vašingtonski sporazum poput demokratije, individualnih sloboda i drugih odgovarajućih odredbi navedenih u preambuli; *Oblast odbrambeno-vojnih pitanja* - demonstrirati sposobnost doprinosa vojnoj i kolektivnoj odbrani i novim misijama Saveza, spremnost da se preuzmu rizici, odgovornosti, koristi i tereti zajedničke sigurnosti i kolektivne odbrane, obavezivanje na strategiju Saveza utvrđenu Strateškim konceptom i drugim izjavama na ministarskom nivou;

Pitanje resursa - raditi na osiguranju dovoljnih budžetskih sredstava kako bi BiH bila u stanju ispuniti obaveze koje podrazumijeva moguće članstvo, osigurati potrebne strukture za planiranje i

realizaciju budžeta za odbranu kojima se ispunjavaju utvrđeni prioriteti u oblasti odbrane i osiguravaju šeme obuke u cilju upoznavanja osoblja sa praksama i procedurama NATO-a kako bi se pripremili za moguće buduće učesće u strukturama Saveza;

Oblast sigurnosnih pitanja - uspostaviti dostatan sistem čuvanja i sigurnosti najosjetljivijih informacija na način utvrđen sigurnosnom politikom NATO-a;

Oblast pravnih pitanja - analizirati i upoznati se sa odgovarajućim zakonskim rješenjima i sporazumima koji regulišu pitanje saradnje sa NATO-om, analizirati i nadzirati usklađenost domaćeg zakonodavstva sa pravilima i propisima NATO-a i dr.

Bosna i Hercegovina aplicirala je oktobru 2009. godine za MAP, ali u prvom razmatranju, u decembru 2009. godine aplikacija nije prihvaćena. Na neformalnom sastanku Sjevernoatlanskog vijeća (NAC) na nivou ministara vanjskih poslova, održanog u Talinu u aprilu 2010. godine, donešena je odluka da BiH bude primljena u MAP, na osnovu koje je NAC ovlašten da prihvati prvi *Nacionalni godišnji program (ANP)* onda kada BiH ispuni uslov knjiženja nepokretne perspektivne vojne imovine kao državne imovine i dato na korišćenje Ministarstvu odbrane i Oružanim snagama BiH.

U svrhu ispunjenja pomenutog uslova Predsjedništvo BiH je donijelo odluku o 63 perspektivne vojne lokacije, a lideri vodećih šest stranaka u BiH su, u martu 2012. godine, dogovorili principe raspodjele državne imovine.

Ministarstvo odbrane BiH je izradilo i dostavilo Vijeću ministara BiH u junu 2012. godine prijedloge za dva dokumenta radi razmatranja i usvajanja, čime bi otpočeo proces knjiženja perspektivnih vojnih lokacija, i to: „Sporazum o implementaciji dogovorenih principa o raspodjeli imovine“ i „Odluku o raspolaganju nepokretnom vojnom imovinom“. Predsjedavajući Vijeća ministara BiH je preuzeo obavezu daljnje koordinacije sa Vladama entiteta u cilju realizacije sporazuma. Cjelokupni proces u vezi sa ovim pitanjem do sada nije okončan.

NATO Koordinacijski tim VM BiH, odnosno sadašnja Komisija za NATO integracijski proces BiH je tokom 2010. i 2012. godine izradio/la prijedloge ANP BiH za periode 2010-2011. i 2012-2013. godina, ali isti nisu aktivirani obzirom da pitanje knjiženja nepokretne perspektivne vojne imovine nije bilo riješeno do septembra kalendarske godine, kada je predviđeno otpočinjanje MAP ciklusa, te je BiH nastavila sa implementacijom prethodnog mehanizma saradnje sa NATO-om (IPAP).

Sastanak sa Generalnim sekretarom NATO-a u februaru 2013. je ponovno reafirmirao pitanje rješavanja uslova za aktiviranje članstva BiH u MAP-u. Lideri vodećih političkih stranaka 16.02.2013. godine su postigli dogovor o formiranju posebne Radne grupe koja treba da razradi Akcioni plan za rješavanje državne i vojne imovine, a članovi su Ministar pravde, Ministar civilnih poslova i Ministar komunikacija i prometa

Trenutna situacija je sljedeća: NATO će i dalje insistirati na dosljednom ispunjenju preduslova koji je postavljen u vezi članstva BiH u MAP, odnosno registriranju perspektivne nepokretne vojne imovine (lokacija) kao vlasništva BiH datog na korištenje Ministarstvu odbrane i Oružanim snagama BiH. Bez ispunjenja ovog uslova BiH neće moći učiniti novi napredak u okviru NATO integracija, bez obzira na do sada uspješnu saradnju sa NATO-om i ostvarenim rezultatima.

Sve gore navedene aktivnosti realizirane su pod neposrednim rukovođenjem, kontrolom i praćenjem Komisije za NATO integracijski proces BiH (u prethodnom mandatu NATO Koordinacijski tim VM BiH), shodno definiranom mandatu, pri čemu su se posebno izdvaja izrada nacionalnih strateških dokumenata PfP saradnje BiH sa NATO-om, koje u pojedinim segmentima pripremaju sami članovi Komisije, uz pomoć i saradnju sa resornim ministarstvima i institucijama.

Pored navedenog Komisija je planirala, organizirala i provela:

- Komisija je, u svrhu efikasne primjene i sprovođenja *Sporazuma o statusu stranih vojnih snaga (PfP SOFA)*, inicirala formiranje posebnog ekspertnog tima radi izrade cjelovitog prijedloga u vezi primjene i sprovođenja PfP SOFA, te je Vijeće ministara BiH početkom 2010. godine, na prijedlog Komisije, donijelo Odluku o imenovanju navedenog tima sa zadatkom da pripremi konačan spisak zakonskih i podzakonskih akata čije su izmjene i dopune potrebne radi primjene PfP SOFA, kao i da sačini prijedlog uputstva kojim će se precizirati primjena PfP SOFA. U skladu sa navedene Odlukom Ekspertni tim je pripremio: a) Konačan spisak zakonskih i podzakonskih akata čije su izmjene i dopune potrebne radi potpune primjene PfP/NATO SOFA-e; b) Uputstvo o primjeni i provođenju Sporazuma između država članica Sjevernoatlantskog ugovora i ostalih država koje učestvuju u Partnerstvu za mir, o pravnom položaju njihovih snaga. Komisija je na 35. redovnoj sjednici, održanoj u martu 2012. godine, razmotrila predložene dokumente i dala saglasnost za njihovo upućivanje, zajedno sa Izveštajem o radu i Plan rada za naredni period Ekspertnog tima, u prvoj fazi. U drugoj fazi, nakon usvajanja pomenutih dokumenata na nivou Vijeća ministara BiH u aprilu 2012. godine, usvojeno je i Uputstvo za primjenu PfP SOFA-e, te određene osobe za kontakt po ovom pitanju u državnim i entitetskim institucijama. Istovremeno, Ministarstvo vanjskih poslova je dostavilo nadležnim institucijama Konačan spisak zakonskih i podzakonskih akata čije su izmjene i dopune potrebne radi potpune primjene PfP SOFA i ostalih država koje učestvuju u PfP i pozvalo na izmjenu zakonskih propisa i usklađivanje sa odredbama PfP SOFA-e. Nadalje, u skladu sa usvojenim Planom rada Ekspertnog tima za 2013. godinu, kao daljnji koraci, planirana je i provedena obuka određenih kontakt osoba za PfP SOFA;
- Komisija je, u saradnji sa NATO Štabom Sarajevo, te ambasadama Kraljevine Norveške i Republike Turske, tokom 2009. godine organizirala izradu nacionalne *NATO komunikacijske strategije* osiguranja podrške javnosti BiH, kojom su definirane: ciljne grupe, svrha i ciljevi strategije, osnovne poruke namijenjene javnosti, nosioci implementacije strategije, argumenti za i protiv pristupanja BiH NATO-u, zahtjevi koje zemlja mora ispuniti u predpristupnom periodu, potencijalni problemi i dr. U skladu sa Akcionim planom za implementaciju NATO komunikacijske strategije BiH u periodu 2009-2013. godina realiziran je niz aktivnosti, kao što su seminari, radionice, izdavanje brošura i dr, a posebno ističemo održavanje niza niz okruglih stolova u periodu 2010-2013. godina, na temu BiH i NATO, na području cijele BiH (Banja Luka, Bijeljina, Brčko, Foča, Mostar, Zenica i drugi gradovi), u svrhu informiranja lokalnih i akademskih zajednica, te pripadnika OS BiH, o NATO-u i NATO integracijskom putu BiH ka NATO-u, na kojima su učestvovali predsjednica Komisije sa drugim predstavnika bh institucija (MVP BiH, MO BiH, NATO Štab u Sarajevu i dr). Sve navedene aktivnosti imale su za cilj upoznavanje šire javnosti sa NATO integracionim procesom u BiH. Kao rezultat dosadašnje implementacije Akcionog plana zabilježeno je povećanje broja novinskih članaka i intervjuua u printanim medijima, te emisija u elektronskim medijima o NATO-u i odnosu BiH i NATO. Za povećan interes medija i građana za evroatlantske integracije su veliki uticaj imale i sprovedene reforme i odluke koje su donosili najviši nivoi vlasti u BiH – Predsjedništvo BiH, Parlament BiH i Vijeće ministara BiH.
- Razvijena je uspješna saradnja sa nevladinim organizacijama koje se bave pitanjima integracionih procesa BiH, kao i predstavnicima obrazovnih institucija u BiH, posebno u oblasti NATO komunikacijske strategije BiH;

- Komisija je redovno pratila realizaciju planiranih aktivnosti BiH, u okviru Američko-Jadranske Povelje (A-5), posebno period predsjedavanja BiH ovom inicijativom tokom prve polovine 2012. godine;
- Održavani su redovni kontakti i saradnja sa NATO štabovima u Briselu i Sarajevu, tokom kojih su razmatrana relevantna pitanja NATO integracijskog procesa BiH;
- Inicirana je uspostava web stranice o NATO integracijskom procesu BiH na kojoj je moguće pronaći ključne informacije o NATO integracijskom procesu BiH, aktivnostima koje nadležne bh institucije provode u okviru tog procesa, kao i samom NATO-u.

Komisija je veoma profesionalno ispunjavala svoje zadatke, što je rezultiralo visokim ocjenama koje su dolazile iz diplomatskih i stručnih krugova, prije svega iz NATO Glavnog Štaba Brisel. NATO je redovno isticao visoku profesionalnost BiH na nivou tehničke i eksperata saradnje, u reformskim oblastima koje su pokrivena instrumentima saradnje. Ovakve ocjene su dolazile i od zvaničnika NATO zemalja sa najvišeg nivoa.